

# Hangarau Matihiko Digital Technologies

Ngā mea me mōhio **ngā kaiako, ngā kaiārahi** me ngā **Kāhui Ako**

## Te whakapakari i Te Marautanga o Aotearoa me te New Zealand Curriculum atu i te tau 2018

E PANONI ANA NGĀ HANGARAU MATIHIKO I TŌ TĀTOU NOHO KI TĒNEI AO - TE WHAKAAWEAWE I Ō TĀTOU KĀINGA, I Ō TĀTOU WĀHI MAHI ME TE WHAKAREREKĒ I TĀ TĀTOU PĀHEKOHEKO TĒTAHI KI TĒTAHI I TŌ TĀTOU ANŌ AO.



Kei te tere hoki te panoni o tēnei mea o te hangarau matihiko, ā, me pērā anō hoki te pūnaha mātauranga. Ko te aronga ki ā tātou tamariki, taiohi hoki ko te whakarākei i a rātou ki ngā āhuatanga e taea ai e rātou te whakauru atu, te waihanga, me te tipu i roto i tēnei ao hangarau matihiko.

### He aha tēnei mea o te Hangarau Matihiko me te Digital Technologies (HM me te DT)?

Ko tēnei mea te HM me te DT he akoako i ngā mahi e pā ana ki te whakamahinga o ngā mea hangarau, me te whakauru i aua whakamahinga ki te wetewete raru.

### Mā wai tēnei marautanga?

Atu i te tau 2020, ka wātea te marautanga ki ngā ākonga tau 1 ki te tau 13. Ka taea hoki e ngā ākonga tau 11 ki te tau 13 te whai i ngā mahi mātanga mō te hangarau matihiko. Kua tīmatahia te tuhi i ngā paerewa paetae NCEA Taumata 1, ā, ka taea te whakamahi i ngā paerewa nei atu i te tau 2018. Ka puta ngā Taumata 2 me te 3 hei te tau 2019.



## Wātaka: Ngā kōrero marautanga mō te HM me te DT, mai i te wānangatanga ki tōna whakatinanatanga



\* Atu i tēnei āhua, ko te whakahau kia noho ki te whakahāngai i ō hōtaka whakaako kia uru mai ngā mahi HM me te DT, e whakamanawa ai koe ki āna kōrero.

### He aha ngā rerekētanga o ngā akomanga?

Kua noho kē ētahi kaiako, ētahi kura arareo Māori, arareo Pākehā me ngā Kāhui Ako ki te whakauru i ngā mahi nei ki ā rātou hōtaka whakaako. Mā tēnei panonitanga e whakaatu ki ngā ākongā i ngā tautōhitotanga o tēnei mahi, hei whakareri i a rātou mō te ao hangarau matihiko me tōna pānga ki ngā mahi ōhanga me te pāpori o te ao hurihuri nei.

Whakaae tonu mātou ki te whakaaro kia hāngai te Hangarau Matihiko ki te ao Māori hei tautoko i te ako me ngā akoranga. Hei whakatauirā ake, kei a mātou ināianei tētahi kōrero mō Māui hei whakaatu i te whaitake o te Hangarau Matihiko me tōna takenga mai i te ao Māori.

Kua kaha kē atu te rangā o ngā mātāpono me ngā uara o *Te Marautanga o Aotearoa* ki ngā tupuranga e rua. Mā konei e marama ake ai ngā kōrero mō te ako me te whakaako. Kua whakahoutia te Wāhanga Ako Hangarau hei tīpako ake i ngā panoni kua oti kia whakaurua ngā kōrero Hangarau Matihiko.

Kua whakaingoatia ngā tupuranga e rua i roto i te Hangarau Matihiko: arā, Te Whakaaro Rorohiko me Te Tangata me Te Rorohiko. Ka hono haere ēnei i ngā tino āhuatanga o te reo Māori me ōna tikanga, te kirirautanga matihiko me te whakaaro rorohiko.

### Ka pēhea ngā mahi tautoko mō tēnei panonitanga?

Ka wātea mai ngā momo mahi whakahiki pūkenga, arā, te Professional Learning Development (PLD) me ngā mahi tautoko hei āwhina i a koe ki te whakauru i ngā mahi nei ki ō hōtaka whakaako, akoako hoki.

Kei te hangaia mai ngā momo kaupapa ki te tautoko i te ara whakaako a te ākongā mai i ngā kōhungahunga tae noa ki ngā wharekura.

Ka wātea mai hoki ngā pārongo mai i te paetukutuku [education.govt.nz](http://education.govt.nz). Ka taea tō waitohu mō ngā kōrero mohoa e pā ana ki te kaupapa HM i te paetukutuku Whakahiki Pūkenga PLD i konei:

<http://bit.ly/2trvAOM>

### Find out more and make contact:

 [digi.tech@education.govt.nz](mailto:digi.tech@education.govt.nz)

 [education.govt.nz/digitech](http://education.govt.nz/digitech)

 [@EducationGovtNZ](https://twitter.com/EducationGovtNZ)

 [www.facebook.com/EducationGovtNZ/](https://www.facebook.com/EducationGovtNZ/)

### View the new content here:

[Technology.tki.org.nz](http://Technology.tki.org.nz)

[HangarauMatihiko.tki.org.nz](http://HangarauMatihiko.tki.org.nz)